

七經同卷

北斗本生經

九光經

長生經

土曜經

證果經

五星秘授經

續命經



太上洞真五星秘授經

爾時

元始天尊於大羅天上白玉京中黃金闕內
承華殿上與天仙地仙水仙等說三元兩曜
五星及羅睺計都二十八宿等真君之號而

言曰吾觀見四海之內九地之人上至帝王
侯伯下及飛走萬類山河分野臨照之處禍
福應見不能詳辯況大地人民多造罪惡希
成善因致九州靈官三元上奏罪業深重減
祿促壽速歸下泉變種種形狀永居畜類今

我演此真經令九地之人依法遵敬獲種種
福俱得延齡而宣言曰

東方木德真君主發生萬物變慘為舒如世
人運炁逢遇多有福慶宜弘善以迎之其真
君戴星冠躡朱履衣青霞壽鶴之衣手執玉

辰八

簡懸七星金劍垂白玉環珮宜圖形供養以
異花珍果淨水名香燈燭清醴虔心瞻敬至
心而呪曰

木星真君 動必懷仁 憫見志願 壽我千春
西方金德真君主 擎斂萬物 告成功肅如世

人運炁逢遇多有災恠刑獄之咎宜弘善以
迎之其真君戴星冠躡朱履衣皓鶴白霞之
衣手執玉簡懸七星金劍垂白玉環珮宜圖
形供養以異花珍果淨水名香燈燭清醴虔
心瞻敬至心而呪曰

金星真君 禍无常準 蠢動成形 俱希含忍
南方火德真君主長養萬物燭幽洞微如世
人運炁逢遇多有災厄疾病之尤宜弘善以
迎之其真君戴星冠躡朱履衣朱霞壽鶴之
衣手執玉簡懸七星金劍垂白玉環珮宜圖

形供養以異花珍果淨水名香燈燭清醴虔
心瞻敬至心而呪曰

火星真君主張諸惡去邪護真慎勿交錯
北方水德真君通利萬物含真娠靈如世人
運炁逢遇多有災滯劫掠之苦宜弘善以迎

辰八

九

之其真君戴星冠躡朱履衣玄霞壽鶴之衣
手執玉簡懸七星金劍垂白玉環珮宜圖形
供養以異花珍果淨水名香燈燭清醴虔心
瞻敬至心而呪曰

水星真君含育萬類禍福不差其功周匱

中央土德真君主四時廣育萬類成功不愆
如世人運炁逢遇多有憂塞刑律之厄宜弘
善以迎之其真君戴星冠躡朱履衣黃霞壽
鶴之衣手執玉簡懸七星金劍垂白玉環珮
宜圖形供養以異香珍果淨水名香燈燭清
醴虔心瞻敬至心而呪曰

土星真君陰弘至德福我蒼生長躋壽域
太陽真君主照臨六合舒和萬彙如世人運
炁逢遇多有喜慶宜弘善以迎之其真君戴
星冠躡朱履衣絳紗之衣手執玉簡懸七星

金劍垂白玉環珮宜圖形供養以異花珍果
淨水名香燈燭清醴虔心瞻敬至心而呪曰
太陽真君 杲杲高邁 萬類仰之 群動是賴
太陰真君主肅靜八荒明明輝盛如世人運
无恚逢遇多有慘慘之憂宜弘善以迎之其真
君戴星冠躡朱履衣素紗之衣手執玉簡懸
七星金劍垂白玉環珮宜圖形供養以異花
珍果淨水名香燈燭清醴虔心瞻敬至心而
呪曰

太陰真君 常弘正道 陰德不愆 福我億兆

羅睺真君主九天之下一切諸惡如世人運
炁逢遇多有災厄深重宜弘善以迎之其真
君戴星冠躡朱履衣純玄之衣手執玉簡懸
七星金劍垂白玉環珮宜圖形供養以異花
珍果淨水名香燈燭清醴虔心瞻敬至心而

長八

十

呪曰

羅睺真君 冥冥可畏 好道舍弘 可期千歲
計都真君主九地之上一切罪惡如世人運
炁逢遇多有厄難困苦之災宜弘善以迎之
其真君戴星冠躡朱履衣純玄之衣手執玉

簡懸七星金劍垂白玉環珮宜圖形供養以
異花珍果淨水名香燈燭清醴虔心瞻敬至
心而呪曰

計都真君默默察察九天之下護命惡殺
二十八宿真君主世人榮樂壽苦之數其真

君俱戴星冠躡朱履衣絳紗之衣手執青玉
簡佩七星寶劍垂金璫珠珮各宜圖形供養
以異花珍果淨水名香燈燭清醴虔心瞻敬
至心而呪曰

群星飛光環拱辰極普天兆民常蒙至德

天尊言九地世人若遇災星臨照之處但依
受此法无不獲諸福慶若三元設醮建立壇
場誦諸神呪廣積吉善爲民祈福三官上奏
即命真籙延算俱得長生

天尊勅諸大仙及九府靈官三元上奏三官

辰八

十一

隨其善惡速須上奏我令一切成形永不墜
諸惡類獲種種福是時應諸大仙稽首上奏
願承慈旨永當奉行

太上洞真五星秘授經

